



Broj: 02-04-326/24-AP-3
Datum: 22.02.2024. godine

GRADSKO VIJEĆE ZAVIDOVIĆI
n/r PREDSEDavajući GRADSKOG VIJEĆA
Admir Fojnica, prof.

PREDMET: Odgovori na vijećnička pitanja sa 21. sjednice Gradskog vijeća Zavidovići održane 31.01.2024. godine, dostavljaju se

Povodom vijećničkih pitanja postavljenih na 21. sjednice Gradskog vijeća Zavidovići održanoj 31.01.2024. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA HARISA HODŽIĆA

1. Vijećnik Haris Hodžić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe da nam dostavi informaciju kada će nadležna gradska služba i gradska uprava izdati građevinsku dozvolu za putnu komunikaciju Trn – Ilići Šabin potok, a za koju je prethodno, Gradsko vijeće Zavidovići izglasalo javni interes?

Direktno pitanje: Zašto se stalo sa aktivnostima na izdavanju potrebnih dozvola za legalizaciju putne komunikacije Trn-Ilići-Šabin potok, kada se može očekivati završetak poslova na cijepanju parcela, eksproprijaciji novoformiranih parcela i izdavanju građevinske dozvole?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

Odgovor na prvo vijećničko pitanje (Odgovor je sačinjen na osnovu akta Službe za upravu geodetskih, imovinskopravnih poslova i urbanizam, broj: 06-45-17/24-AP-52 od 15.02.2024. godine): Kod Službe za upravu geodetskih, imovinskopravnih poslova i urbanizma nije pokrenut postupak za izdavanje odobrenja za izgradnju putne infraskture Trn – Ilići - Šabin potok, odnosno služba nije zaprimila zahjev za izdavanje odobrenja za građenje.

Služba po zahtjevu Gradskog pravobranilaštva provodi postupak cijepanja parcela za navedeni put, koji postupak još nije završen zbog obimnosti tog posla i drugih poslova koji se trenutno provode u službi kao i nedostatka kadra za obavljanje poslova geodetske struke.

Služba će nastojati navedene poslove završiti u narednom mjesecu.

Nakon izvršenog cijepanja i formiranja novih parcela koje su predmet eksproprijacije Gradsko pravobranilaštvo u ime Grada podnosi prijedloge ovoj službi za potpunu eksproprijaciju.

2. Vijećnik Haris Hodžić: Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje:

Tražim od nadležne službe da nam dostavi informacije i podatke o kretanju stanovništva Grada Zavidovići od 2022. godine, pa sve do danas?

Direktno pitanje: Tražim od nadležne službe da nam dostavi podatke o broju rođenih, umrlih i broju stanovnika koje se iselilo sa područja Općine Zavidovići. Podatke je potrebno dostaviti počev od 2022. godine.

Tražene podatke je potrebno dostaviti u ukupnom iznosu kao i po matičnim uredima.

Odgovor na ovo pitanje treba da sadrži sljedeće informacije: godina, natalitet, mortalitet, iseljeno stanovništvo, matični ured i ukupno.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na drugo vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-15/24-AP-62 od 21.02.2024. godine): Kada je riječ o podacima o broju osoba koje su se iselile sa područja Grada Zavidovići, obavještavamo Vas da ova Služba ne raspolaže istima (ne vodi evidenciju o iseljenim licima).

Evidenciju podataka o prebivalištu / boravištu / kretanju građana vodi nadležno Ministarstvo unutrašnjih poslova. Prilikom upisa u matične knjige, upisuju se i podaci o prebivalištu građana na osnovu uvjerenja / obavijesti o prebivalištu (PBA obrasci) izdatog od nadležnog Ministarstva (Policijske stanice), a podaci o promjeni (odjavi) prebivališta se ne dostavljaju Matičnim uredima.

Što se tiče podataka o broju rođenih i umrlih lica upisanih u matične knjige Grada Zavidovići od 2022. godine pa nadalje, u prilogu akta dostavljamo prikaz upisa za traženi period u matičnu knjigu rođenih i matičnu knjigu umrlih, razvrstanu po Matičnim uredima.

3. Vijećnik Haris Hodžić: Nisam, imam dopunsko pitanje.

Dopunsko pitanje našem pravobranilaštvu sa zahtjevom, odnosno dodatnim pitanjem, da li će pravobranilaštvo ispitati navode i odgovore iz ovog vijećničkog pitanja, gdje se jasno da uočiti da je urađena zloupotreba sredstava namjenskih koja su prebačena sa kantona za asfaltiranje, a sredstva su potrošena za betoniranje određenih privatnih avlija, parcela. Znači upućujem pitanje dodatno pravobranilaštvu.

Odgovor na dopunsko vijećničko pitanje (Odgovor je sačinjen na osnovu akta Gradskog pravobranilaštvo Zavidovići, broj: R-24/24 od 21.01.2024. godine): Predmetna sredstva dodijelila je Vlada Ze-do kantona po Odluci o izmjeni i dopuni odluke o odobravanju sredstava za realizaciju kapitalnih projekata drugim nivoima vlasti iz oblasti cestovne infrastrukture za 2022. godinu i ista su naznačena za MZ „Rujnica“ pod nazivom „Sanacija klizišta i dionica puta sa oštećenjima većeg inteziteta“, međutim navedena sredstva su u Budžetu Grada Zavidovići evidentirana zbirnim imenom kao „Kapitalni izdaci iz namjenskih sredstava ZDK – asfaltiranje puteva u MZ „Rujnica“, obzirom da je navedena odluka tretirala i druge mjesne zajednice.

Utrošak sredstava za MZ „Rujnica“ odnosio se na nabavku i isporuku betona za sanaciju i modernizaciju cesta u MZ „Rujnica“.

S tim u vezi može se konstatovati da navedena sredstva nisu utrošena nenamjenski.

Također, putem Službe za upravu privrede, lokalni razvoj, infrastrukturu i međunarodnu saradnju smo upozanti da Grad Zavidovići raspolaže sa namjenskim sredstvima dodijeljenim po Zaključku Vlade Ze-do kantona, broj: 02-11-9548/25 od 09.06.2023. godine u iznosu od

50.000,00 KM, a koja su namijenjena za MZ „Rujnica“ – sanacija ceste. Navedena sredstva još uvijek nisu utrošena, a na osnovu istih proveden je postupak javne nabavke, te je potpisan ugovor o izvođenju radova na asfaltiranju ceste Šabin potok – Ilići – Trn u iznosu od 93.717,00 KM čija će se razlika u cijeni finansirati iz Budžeta Grada Zavidovići. Realizacija ovog ugovora će usljediti po stabilizaciji vremenskih uslova.

2. VIJEĆNIČKO PITANJE VIJEĆNIKA HASIBA HUSKIĆA

Vijećnik Hasib Huskić: Poštovane kolege, cijenjeni građani, selam alejkum i dobar dan. Kratko ću pitanje vezano za jednu moju inicijativu koju sam postavio prije nekih dva mjeseca, vezano je za onu Deklaraciju o osudi zločina nad stanovništvom Gaze. Nije se nikad ništa očitovalo, nije ni došla na dnevni red, mislim da vrijeme izmiče, pa bih volio znati. Konkretno pitanje, zašto nije stavljena na dnevni red?

Odgovor na prvo vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-324/24-AP-2 od 12.02.2024. godine): Stručna služba Gradskog vijeća je, dana 12.12.2023. godine, dostavila stav po predmetnoj inicijativi Hasiba Huskića, broj: 01-04-2406/23-AP-4.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović

Obradio: _____
(Nermin Čahtarević)